



Lub Kaum Ib Hlis, Tim 25, 2025

D-2025-Qhov Kev Pab Cuam Kom Paub Txiaiv Txim Rau Tus Kheej-003

SAU MUS RAU: COV THAWJ TSWJ SAIB XYUAS DEJ NUM NTAWM COV
CHAW PAB COV NEEG XIAM OOB QHAB NYOB HAUV TEJ CHEEB TSAM
(REGIONAL CENTER EXECUTIVE DIRECTORS)

HAIS TXOG DAB TSI: QHOV KEV PAB CUAM KOM PAUB TXIAV TXIM RAU
TUS KHEEJ: TUS NEEG THAWJ QHOV KEV NPAJ UA NTEJ HAIS
TIAS YUAV SIV NYIAJ TXIAG LI CAS THIAB COV KEV NPAJ COJ
LOS SIV NYIAJ

Cov lus qhia ntawm no yeej muaj lus qhia kom cov chaw pab neeg xiam oob qhab nyob hauv tej cheeb tsam paub txog cov kev pauv ntawm Qhov Kev Pab Cuam Kom Paub Txiaiv Txim Rau Tus Kheej (SDP) uas tsab cai Assembly Bill (AB) 143 (Tshooj 12, Statutes of 2025) yuav kom muaj, uas tau muab tshooj cai Welfare and Institution Code (WIC) tshooj 4685.8 pauv lawm. Cov lus kho yeej yog muaj cov lus qhia hais tias saib yuav muab tus neeg thawj qhov kev npaj ua ntej hais tias yuav siv nyiaj txiag li cas coj los xam zoo li cas, kev muab lus pom zoo rau cov kev npaj cov los siv nyiaj, thiab kev pauv cov nyiaj uas yuav muab siv rau cov kev pab nyob hauv qhov kev npaj coj los siv nyiaj thiab rau cov kev pab uas npaj ua ntej hais tias yuav siv nyiaj txiag li cas.

Keeb Kwm

Zoo ib yam li cov kev uas muab lus pom zoo rau siv nyob hauv qhov kev npaj uas ib txwm siv, tus neeg qhov kev npaj ua ntej hais tias yuav siv nyiaj txiag li cas yeej yog npaj raws nraim li Qhov Kev Npaj Rau Ib Tus Tib Neeg (IPP) uas muab tus neeg saib ua qhov tseem ceeb. Qhov IPP yeej yog suav cov kev pab thiab kev txhawb uas tus neeg thiab nws cov neeg sib pab khiav hauj lwm rau qhov IPP yeej yuav tsum tau pab tus tib neeg ua kom tau nws cov hom phiaj nyob hauv qhov IPP. Neeg yeej mus nrhiav tau cov ntaub ntawv hais txog IPPs nyob ntawm: [Lub vas sab uas muaj Ntaub Ntawv Qhia Txog Qhov IPP thiab Txoj Kev Npaj](#) thiab [IPP Zaj Yeeb Yaj Kiab Qhia Npaj Qhov IPP Uas Muab Tus Neeg Saib Ua Qhov Tseem Ceeb](#).

Ib tus neeg qhov kev npaj ua ntej hais tias yuav siv nyiaj txiag li cas yog ib qhov uas yuav tsum muaj qhov nyiaj uas ib tus neeg yuav muaj coj los them cov kev pab thiab kev txhawb uas tus neeg yuav tsum tau siv es nws thiab li yuav ua tau tiav nws cov hom phiaj hauv qhov IPP. Qhov nyiaj uas yuav muab rau ib tus neeg qhov kev npaj ua ntej hais tias yuav siv nyiaj txiag li cas yuav tsum yog ib qhov uas muab saib raws nraim li cov kev pab uas lub chaw pab neeg xiam oob qhab yuav them nyob hauv qhov kev npaj cov kev pab uas ib txwm siv coj los ua kom tus neeg ua tau tiav nws cov hom phiaj nyob hauv qhov IPP (WIC section 4685.8 (m)(1)(A)(ii)(II)). Qhov nyiaj ntawm no yog ib qhov uas lub chaw pab neeg xiam oob qhab yog tus xam thiab yuav tsum tau muaj cov

D-2025-Qhov Kev Pab Cuam Kom Paub

Txiav Txim Rau Tus Kheej-003 Phab

nqi muab kho haum tag uas cov neeg sib pab khiav hauj lwm rau qhov IPP yeej pom zoo, zoo li muab piav qhia rau hauv qab no. Thiab tam sim no, WIC section 4685.8 yeej yuav tsum kom cov neeg sib pab khiav hauj lwm rau qhov IPP los mus sib tham txog cov kev pab uas npaj tsis tau rau cov tib neeg tsis muaj lus tso cai los sis muaj lus tso cai tsawg rau lawv them cov kev pab, uas yog muab txhais hais tias tsawg tshaj \$2,000 muaj nyob hauv 12 lub hlis tag los tsis ntev no.

Tom qab npaj tau tus neeg qhov kev npaj ua ntej hais tias yuav siv nyiaj txiag li cas lawm, yuav tsum tau muaj ib qhov kev npaj koj los siv nyiaj uas yeej qhia cov kev pab thiab kev txhawb uas yuav siv cov nyiaj nyob hauv tus neeg qhov kev npaj ua ntej hais tias yuav siv nyiaj txiag li cas koj los them. Cov lus qhia txhua yam hais txog qhov kev npaj koj los siv nyiaj, thiab txoj kev yuav muab qhov kev npaj koj los siv nyiaj thaum txog ib nrab xyoo, yeej yog cov uas peb muab piav qhia ntxiv rau hauv qab no.

Qhov Kev Npaj Thawj Qhov Kev Npaj Ua Ntej Hais Tias Yuav Siv Nyiaj Txiag Li Cas

AB 143 yeej hais tias cov chaw pab neeg xiam oob qhab nyob hauv tej cheeb tsam yuav tsum tau siv tus qauv xam nqi nyob nram qab no koj los xam tus neeg thawj qhov kev npaj ua ntej hais tias yuav siv nyiaj txiag li cas:

- Pib ntawm qhov nyiaj uas muab rau tus neeg siv koj los them cov kev pab nyob hauv tus neeg qhov kev npaj cov kev pab uas ib txwm siv rau 12 lub hlis tag los no.
- Muab cov kev pab uas cov neeg sib pab khiav hauj lwm rau qhov IPP pom tiam sis tsis muaj nyob hauv qhov kev tso cai nyob rau yav tag los koj los ntxiv rau;
- Rho cov kev pab uas lub chaw pab neeg xiam oob qhab tsis siv cov nyiaj SDP koj mus them zoo li qhia rau hauv [SDP Cov Khoom thiab Kev Pab Kho Dua Tshiab B Uas Muab Tso Nrog Ntawm No](#) uas yog muab ntawm cov lus qhia hais txog [SDP Cov Khoom thiab Kev Pab Kho Dua Tshiab Thaum Lub Xya Hli 2024](#), thiab
- Rho lwm cov nuj nqis uas muaj ib zaug xwb tawm.

AB 143 los yeej tau muab txoj kev kho ib tus neeg qhov kev npaj ua ntej hais tias yuav siv nyiaj txiag li cas pauv lawm. Ua ntej yuav muab qhov kev npaj ua ntej hais tias yuav siv nyiaj txiag li cas pauv tau, nws yuav tsum tau muaj ob qhov: 1) ib tus neeg cov neeg sib pab khiav hauj lwm rau qhov IPP yeej muab qhov nyiaj ntawm ib qhov kev npaj ua ntej hais tias yuav siv nyiaj txiag li cas nce los sis txo tau raws li tej yam uas muaj pauv nyob hauv cov kev pab uas tus neeg yuav tsum tau siv, tus neeg cov teeb meem, los sis cov nyiaj txiag thiab khoom, thiab 2) qhov uas muab kho yeeg yog ib qhov uas yuav tsum tau muaj tsis hais qhov hais tias saib tus neeg siv SDP los sis tsis siv li. Cov ua piv txwv rau thaum yuav tsum tau muaj ib qhov kho, tiam sis tsis yog tag rau: ib qhov kev pauv tsis ntev ntawm lub chaw tus neeg nyob, cov kev pab uas tus neeg siv yav tag los yeej tsis yog ib cov uas nws yuav siv ntxiv lawm, cov kev pab nyob hauv qhov IPP uas tus neeg tsis siv vim muaj mob los sis vim tsis muaj tus neeg npaj, los sis qhov kev pom hais tias tus neeg yeej tsim nyog siv tau ib yam kev pab uas txhua tus neeg siv. Thaum saib cov nqi ntawm cov kev pab uas muaj nyob hauv tus neeg qhov kev npaj ua ntej hais tias yuav siv nyiaj txiag li cas, cov chaw pab neeg xiam oob qhab yuav tsum tau nco ntsoov hais tias lawv yuav tsum tau siv cov lus qhia [Kev Kho Neeg Cov Kev Npaj Ua Ntej Hais Tias Yuav Siv Nyiaj Txiag Li Cas Thaum Lub Cuaj Hli 2022](#).

Qhov Kev Npaj Los Siv Nyiaj

Qhov kev npaj koj los siv nyiaj yeej qhia cov kev pab thiab kev txhawb uas yuav them

D-2025-Qhov Kev Pab Cuam Kom Paub

Txiav Txim Rau Tus Kheej-003 Phab

coj los ua kom tus neeg ua tau tiav cov hom phiaj nyob hauv qhov IPP, rau cov kev pab muaj nyob hauv tus neeg qhov kev npaj ua ntej hais tias yuav siv nyiaj txiag li cas. Cov kev pab thiab kev txhawb uas yeej muab tso tau rau hauv qhov kev npaj koj los siv nyiaj yog cov uas muab txhais nyob hauv [SDP cov lus txhais hais txog kev pab](#). Qhov kev npaj koj los siv nyiaj yuav tsum tau muaj cov kev pab, yuav them cov kev pab pes tsawg zaus, [SDP tus lej qhia kev pab](#), thiab tus nqi ntawm txhua qhov kev pab thiab kev txhawb uas yuav them.

AB 143 yeej hais tias cov chaw pab neeg xiam oob qhab yuav tsum tau muaj lus lees paub rau tus neeg qhov kev npaj koj los siv nyiaj. Ua ib feem ntawm txoj kev muab lus lees paub, cov chaw pab neeg xiam oob qhab yuav tsum tau lees paub hais tias cov khoom thiab cov kev pab nyob hauv qhov kev npaj koj los siv nyiaj yeej muaj txhua yam zoo li hauv qab no:

- Qhia txog cov hom phiaj nyob hauv tus neeg qhov IPP.
- Yeej tsis muaj nyob ntawm cov kev pab uas muaj rau txhua tus neeg siv, suav nrog rau tiam sis tsis yog tag rau, Medi-Cal, In-Home Support Services, cov kev pab los ntawm lub xeev lwm cov chaw tuav dej num zoo li lub chaw Department of Rehabilitation, cov kev pab uas cov school districts los sis cov kev faj seeb rau kev kho mob uas tus neeg yuav rau nws tus kheej muaj.
- Yeej tsim nyog siv tau tsoom fwm cov nyiaj pab, uas txhais hais tias cov kev pab thiab cov kev txhawb yeej yog ib cov uas yuav tau nyiaj los ntawm tsoom fwm thiab tsoom fwm lub chaw Centers for Medicare and Medicaid Services twb muab lus pom zoo tag rau lawm.

Thaum npaj qhov kev npaj koj los siv nyiaj, tus neeg yuav tsum mus saib lub Department cov lus qhia hais txog [SDP Cov Khoom thiab Kev Pab Uas Muab Kho Dua Thaum Lub Xya Hli 2024](#) thiab mus saib [SDP Cov Khoom thiab Kev Pab Kho Dua Tshiab A thiab B Uas Muab Tso Nrog Ntawm No](#).

Kev Muab Cov Nyiaj Nyob Hauv Qhov Kev Npaj Coj Los Siv Nyiaj Siv Coj Mus Them Lwm Yam

AB 143 twb muab txoj kev uas yuav muab cov nyiaj nyob hauv qhov kev npaj koj los siv nyiaj siv coj mus them lwm yam pauv lawm. AB 143 yeej pub cov tib neeg los muab cov nyiaj nyob hauv qhov kev npaj koj los siv nyiaj siv coj mus them cov kev pab thiab tej yam kev pab nyob hauv qhov kev npaj ua ntej hais tias yuav siv nyiaj txiag li cas. Ua ntej yuav muab ib cov nyiaj siv tau coj mus them lwm cov kev pab, tus neeg yuav tsum tau txais lus pom zoo los ntawm lub chaw pab neeg xiam oob qhab los sis los ntawm tus neeg cov neeg sib pab khiav hauj lwm rau qhov IPP. Tus neeg yeej thov tau xoj kev yuav muab cov nyiaj siv coj mus them lwm yam thiab yeej muab pauv tau txhua lub sij hawm thaum tus neeg qhov kev npaj ua ntej hais tias yuav siv nyiaj txiag li cas nyob hauv lub xyoo.

Kev Tso Lus Raws Li Lub Sij Hawm Rau Kev Pab Tuav Nyiaj Txiag

AB 143 yeej hais tias cov chaw pab neeg xiam oob qhab yuav tsum tau muaj lus tso cai rau lub chaw uas tuav tus neeg Qhov Kev Pab Tuav Nyiaj Txiag. Cov chaw pab neeg xiam oob qhab nyob hauv tej cheeb tsam yuav tsum tau hais rau lub chaw uas tuav tus neeg Qhov Kev Pab Tuav Nyiaj Txiag tsis txhob pub dhau peb hnuv uas yog cov hnuv ua hauj lwm ntawm hnuv uas cov neeg sib pab khiav hauj lwm rau qhov IPP tau muab tus neeg qhov kev npaj koj los siv nyiaj pauv tiav tag lawm. Txawm hais tias AB 143 yeej muab qhov hauj lwm uas yuav tsum tau ua ntawm no los, nws yeej yog ib qhov uas twb muaj nyob hauv lub Department cov lus qhia hais txog [Cov](#)

D-2025-Qhov Kev Pab Cuam Kom Paub

Txiav Txim Rau Tus Kheej-003 Phab

[Nyiaj Them Rau Qhov Kev Pab Tuav Nyiaj Txiag thiab Kev Hais Qhia Paub Thaum Lub Cuaj Hli 2022.](#)

Lub Department yuav muaj kev qhia thiab kev pab rau cov chaw pab neeg xiam oob qhab hais txog kev siv cov kev khiav hauj lwm uas muab pauv ntawm no. Yuav tsum muab cov lus nug uas cov chaw pab neeg xiam oob qhab nyob hauv tej cheeb tsam muab xa mus rau lub Department's Self-Determination Program Branch (Department Qhov Chaw Khiav Hauj Lwm Rau Qhov Kev Pab Cuam Kom Paub Txiav Txim Rau Tus Kheej) ntawm sdp@dds.ca.gov.

Sau npe,

Tus neeg uas yog tus kos npe rau tsab ntawv tseem:

Yang Lee, Tus Thawj Tswj

Rau Kev Pab thiab Kev Ua Kom Lub Zej Zos Muaj Zog

Xa ib tsab mus rau: Regional Center Administrators (Cov Neeg Saib Xyuas Dej Num Nyob Ntawm Cov Chaw Pab Neeg Xiam Oob Qhab Nyob Hauv Tej Cheeb Tsam)

Regional Center Directors of Consumer Services (Cov Neeg Saib Xyuas Cov Kev Pab Nyob Ntawm Cov Chaw Pab Neeg Xiam Oob Qhab Nyob Hauv Tej Cheeb Tsam)

Regional Center Community Services Directors (Cov Neeg Saib Xyuas Cov Kev Pab Hauv Lub Zej Zos Nyob Ntawm Cov Chaw Pab Neeg Xiam Oob Qhab Nyob Hauv Tej Cheeb Tsam) Association of Regional Center Agencies (Lub Koom Haum Ntawm Lub Chaw Pab Neeg Xiam Oob Qhab Nyob Hauv Tej Cheeb Tsam Cov Chaw Tuav Dej Num)